

FINANCIAL PLANNING SOLUTION PACKAGE 2023 (Pakej 1)

Terma dan Syarat

1. Kempen

- 1.1 "ASNB Financial Planning Solution Package" ("Pakej") yang dianjurkan oleh Amanah Saham Nasional Berhad ("ASNB") adalah gabungan pelaburan dalam unit amanah Harga Berubah terpilih yang terlibat dalam Pakej, ("VP yang Terlibat") dan di unit amanah Harga Tetap yang terlibat dalam Pakej, ("FP yang Terlibat ") (secara kolektif sebagai "Unit Amanah yang Terlibat"), yang bergantung pada ketersediaan unit, kelayakan dan kesesuaian pelabur dan berdasarkan kaedah 'siapa cepat dia dapat'.
- 1.2 Pakej ini akan berlangsung dari 1 Jun hingga 31 Disember 2023 ("Tempoh Pakej"), atau tertakluk pada ketersediaan unit amanah FP (sebagaimana didefinisikan di bawah), yang mana lebih awal.
- 1.3 Pakej ini ditawarkan secara dalam talian melalui Portal myASNB sepanjang Tempoh Pakej.
- 1.4 Dengan menyertai Pakej ini, Pelabur Layak (sebagaimana didefinisikan di bawah) akan dianggap telah membaca dan memahami sepenuhnya, dan setuju untuk terikat dengan terma dan syarat Pakej ini ("Terma & Syarat") seperti yang dinyatakan di sini.

2. Kriteria Kelayakan

- 2.1 Pakej ini terbuka kepada semua warganegara Malaysia; kedua-dua pelabur baru (sebagaimana didefinisikan di bawah) dan sedia ada, dan mengikut syarat kelayakan ("Pelabur Layak") seperti yang dinyatakan dalam Prospektus Induk, Prospektus ASN Equity 5, Prospektus Induk Tambahan (jika ada) dan Halaman Serlahan Produk.
- 2.2 Pelaburan awal dalam unit amanah VP yang Terlibat diperlukan bagi pelabur yang tidak mempunyai pelaburan sedia ada dalam unit amanah VP yang Terlibat, tertakluk kepada melengkapkan borang Penilaian Kesesuaian pelabur di mana-mana cawangan ASNB.
- 2.3 "Pelabur baru" merujuk kepada pemegang unit yang tidak mempunyai akaun ASNB dan / atau tidak mempunyai pelaburan sedia ada dalam unit amanah VP yang Terlibat.
- 2.4 Walau bagaimanapun, berikut merupakan mereka yang tidak layak untuk menyertai Pakej ini:
 - a. pelabur bukan individu, iaitu syarikat, badan korporat, pertubuhan, kelab, sekolah, masyarakat, pertubuhan bukan menguntungkan, pemilik tunggal, perkongsian dan pengamal profesional yang didaftarkan atau diperbadankan didalam mahupun di luar Malaysia;
 - b. individu yang diisytiharkan muflis atau dihukum bankrap; dan/atau
 - c. sesiapa sahaja yang ASNB membuat keputusan untuk dikecualikan mengikut budi bicara mutlaknya tanpa memberikan sebarang alasan.

3. Mekanisma Pakej

3.1 Unit amanah ASNB yang terlibat dan caj jualan untuk Pakej ini disenaraikan seperti di bawah:

Kategori Unit Amanah	Nama Unit manah	Caj Jualan
Harga Berubah atau <i>Variable Price Fund</i> ("VP")	ASN Equity 5	2%
Harga Tetap atau <i>Fixed Priced Fund</i> ("FP")	ASM	Tiada

3.2 Pelabur Layak mesti melabur dalam Pakej dengan kadar minimum Ringgit Malaysia Sepuluh Ribu (RM10,000). Oleh itu, jumlah pelaburan berdasarkan nisbah 50:50 adalah Ringgit Malaysia Lima Ribu (RM5,000) bagi setiap unit amanah (VP dan FP). Perincian seperti jadual dibawah:

Kategori Unit Amanah	Mekanisma			
	Nama Unit Amanah	Nisbah Pelaburan	Pelaburan Minimum	Amaun Pelaburan
VP	ASN Equity 5	50%	RM10,000	RM5,000
FP	ASM	50%		RM5,000

3.3 Caj jualan unit amanah VP yang Terlibat adalah seperti yang dinyatakan dalam perenggan di atas. Ketika melaksanakan pelaburan bagi unit amanah VP yang Terlibat, sebarang tawaran, promosi dan/atau potongan caj jualan tidak boleh digunakan.

3.4 Pelaburan dalam unit amanah FP bergantung kepada ketersediaan unit. Unit-unit tersebut akan diperuntukkan kepada pelabur secara segera dan layak untuk pengagihan pendapatan (jika ada) pada bulan berikutnya setelah unit amanah FP tersebut berjaya diagihkan kepada para pelabur.

3.5 Pelabur tidak berhak untuk melaksanakan "cooling-off right" bagi pelaburan menerusi Pakej ini.

3.6 Bagi pelaburan dalam ASN Equity 5 yang merupakan unit amanah Harga Hadapan, jumlah pelaburan akan dikemas kini dalam tempoh dua (2) hari bekerja.

3.7 Pelaburan melalui Employee Provident Fund Member Investment Fund (EPF-MIS) tidak boleh dilaksanakan menerusi Pakej ini.

3.8 ASNB berhak untuk menamatkan Pakej pada bila-bila masa mengikut budi bicaranya.

4. Terma dan Syarat Lain

- 4.1 Terma dan Syarat yang meliputi Unit Amanah yang Terlibat adalah di luar dari Terma & Syarat Pakej ini. Ciri-ciri Unit Amanah yang Terlibat terkandung dalam Prospektus Induk, Prospektus ASN Equity 5, Prospektus Induk Tambahan (jika ada) dan Halaman Serlahan Produk. Pelabur Layak diminta untuk mematuhi semua terma dan syarat berkaitan dengan pelaburan dalam unit amanah yang terlibat yang dipilih, dan semua Terma & Syarat Pakej ini.
- 4.2 Pelaburan di dalam Unit Amanah yang Terlibat adalah bukan merupakan tanggungjawab atau jaminan oleh pihak ASNB dan ianya tertakluk kepada risiko pelaburan, termasuk kemungkinan kerugian daripada jumlah pokok yang dilaburkan. Pelabur Layak adalah dinasihati untuk membaca dan memahami Prospektus Induk, Prospektus ASN Equity 5, Prospektus Induk Tambahan (jika ada) dan Halaman Serlahan Produk Unit Amanah yang Terlibat yang berkenaan sebelum melabur.
- 4.3 Pelabur Layak juga harus mempertimbangkan semua yuran dan caj yang terlibat sebelum melabur. Prestasi masa lalu Unit Amanah yang Terlibat bukanlah petunjuk prestasi untuk masa hadapan. Harga seunit dan agihan pendapatan yang perlu dibayar (jika ada), mungkin turun dan juga naik bergantung kepada prestasi pasaran. Pelabur Layak harus bergantung kepada penilaian mereka sendiri untuk menilai kelebihan dan risiko pelaburan. Pelabur Layak yang mempunyai keraguan mengenai tindakan yang harus diambil harus segera berjumpa dengan penasihat profesional mereka.
- 4.4 Untuk mengelakkan keraguan, pembatalan, penggantungan, penamatan atau pemanjangan tempoh Pakej tidak akan memberi hak kepada Pelabur Layak atau orang lain untuk membuat sebarang tuntutan atau pampasan terhadap ASNB atas sebarang dan semua kerugian atau kerosakan yang dialami atau ditanggung oleh Pelabur Layak tersebut atau orang lain sebagai akibat langsung atau tidak langsung daripada tindakan pembatalan, penggantungan, penamatan atau pemanjangan tersebut.
- 4.5 ASNB tidak akan bertanggungjawab atas sebarang kerosakan atau kerugian, samada secara langsung atau tidak langsung, yang berlaku berkaitan dengan Pakej ini. ASNB juga tidak boleh dipertanggungjawabkan jika berlaku sebarang kejadian bencana semula jadi, peperangan, rusuhan, mogok, sekatan, tindakan perindustrian, kebakaran, banjir, kemarau, ribut, pandemik, kegagalan teknikal atau sistem atau sebarang kejadian yang di luar kawalan ASNB.
- 4.6 ASNB berhak untuk meminda, memendek, membatalkan, menggantung atau menamatkan Pakej ini secara keseluruhan atau sebahagian atau untuk mengubah, memadam atau menambah mana-mana Terma dan Syarat pada bila-bila masa dengan memberi notis bertulis melalui www.asnb.com.my atau saluran media sosial ASNB.
- 4.7 Terma & Syarat ini tertakluk kepada undang-undang Malaysia dan Pelabur Layak perlu patuh kepada bidang kuasa eksklusif pengadilan Malaysia.
- 4.8 Sekiranya terdapat perselisihan, percanggahan atau konflik antara Terma & Syarat versi Bahasa Inggeris dan Bahasa Melayu, Terma & Syarat versi Bahasa Inggeris akan terpakai.